



SIUMUT

INATSISARTUNI ILAASORTAATITAT / LANDSTINGSGRUPPEN

12. august 2011

UPA 2012/26

UKA 2011/77

Inatsisartut Suleriaasianni § 35 naapertorlugu aaalajangiiffigisassatut siunnersuut imaaattoq matumuuna saqqummiuppara:

Nunatsinni Angajoqqaat Oqartussaaffiisa annertunerulernissaat ersarinnerulernissaallu anguniarlugu "Angajoqqaat Peqatigiiffiannik" taaneqartumik Atuarfitsialammi inatsisip § 40-41-42-p Atuarfiup siulersuisuinut inatsimmut ilanngussinissaq pillugu apeqquteqaat aallaavigalugu oqallisigineqarnissaannik siunnersuut.

(Inatsisartunut ilaasortaq, Ruth Heilmann Siumut)

Tunngavilersuut:

Naalakkersuinikkut sulinitssinni tamarluinnatta angajoqqaat nukissaqarluartut aammalu meeqqanik paaqqutarinnilluarsinnaasut nukittorsarumavagut.

Angajoqqaat meerartami susassaqarfíni sunniuteqaqataanissaat sappingisamik annerpaaq ujartugassaraarput aqquissiuutassaralugulu.

Kultureqarnermi, Ilinniartitaanermi, Ilisimatusarnermi Ilageeqarnermilu ataatsimiititaliami upernaaq manna inatsisartunut allakkat tigusatta ilagaat 31. marts 2011 ullulerneqartumi IMAK-imit allakkat IMAK-p ataatsimeeqatigineqarnerani tunniunneqartut soqtiginartullu tassani saqqummiunneqartut arlaqartut ilagaat:

"Atuarfiup Siulersuisusa akisussaaffiinut tunngasut peqqussutit nunatsinnut tulluarsarlugit nutarsarneqarnissaannik kissaat".

Allakkami ima oqariartortoqarpoq, issuagaq:

"Nuna tamakkerlugu atuarfiup siulersuisuinut/angajoqqaanut peqatigiiffiornissaq, taamaaliornikkut angajoqqaat pinngitsoorani tusarniaavigineqartarnissaat aalajangeeqataasar-nissaallu qulakkeerneqassaaq".

Akulikippallaartumik angajoqqaat pisunut isiginnaartuinnartut misigisimasarput, tassalu inatsisilianut nutaanut sumiiffimminnilu pisarialinnik tulleriaarinerni assigisaanullu piginneqataanngitsutut sunniuteqartinnejnarerat annikippallaarmat tusaaneqanngitsutut misigisarlutik, tamanna akisussaaqataanngitsutut imminnut isigilersinnaaneranut qanitorujus-suvoq.

IMAK ima ingerlaqqippoq, issuagaq:

"Atuarfiup siulersuisortaavisa kursuserternissaat. Sumiiffipassuarni atuarfiup siulersuisusa suut piginnaatitaaffigissallugit nalornisarpaat, ajoraluartumilli atuarfiit ataasiakkaat pisortaanut ilinniartitsisunullu sulisitsisutut imminnut isigineq atorneqartorujussuivoq, uffa atuarfimminni pingarnertut suut naleqartissallugit/pingaartissallugit iliuuseqarfiginiartussaallugillu suliassaralugit".

IMAK-p ataatsimiitaliami naapinnerani inatsisartunut angajoqqaat oqartussaanerulernissaanik suliniuteqarnissaq pingaartillugu inatsisartunut oqaluuserineqarnissaanik maanna siunnersuut ingerlateqqippara.

Ullumikkut meeqqat pisinnaatitaaffii meeqqanik ilisimaarineqarnerulernissaanik suliniutit ingerlanneqartarnerini angajoqqaat aamma peqataanerulernissaat pisariaqartuuvoq pingaarlunilu. Angajoqqaat aamma pisinnaatitaaffeqarmata. Arlaatigut meeqqat atuartut pineqartillugit qularutissaannngitsumillu aamma meeqqerivitsialak pineqartillugu angajoqqaat nuna tamakkerlugu angajoqqaat oqaaseqartartui amigaataasartorujussuusut isumaqarpunga.

Annerusumik tusartarparput angajoqqaanut ataatsimiitsisoqaraangat ikippallaat najuuttarneri. Annerusumik angajoqqaat namminneerlutik isumaannik ataatsimoortumik oqariartuutinik tusagaqartarnissaq taamaalilluni assut maqaasinartapoq. Taamaattumik "*Angajoqqaat Oqaaseqartuinik*" nunatsinni peqalernissaq pisariaqarpoq, angajoqqaat isumaasa tusarfigineqartarnissaat qulakteerniarlugu.

"*Angajoqqaat Peqatigiiffiannik*" peqalerpat eqeersimaartumik meerartavut pillugit aammalu perorsaanikkut suliniarnermi iluaqtaasumik kinguneqarsinnaasoq isumaqarfingigaara.

Taamaattumik inatsisartut apeqquteqaat aallaavigalugu torersumik eqeersimaartumillu oqallilluarnissaannik kissaappakka qilanaarpungalu isummersuutissi tusarnissaannut.